

36d

37
Ba

George Frederic
de Boosbeck

+

EXERCITIUM LEGALE
De
JURE
TUTELARUM,

Quod
SUPREMI ORPHANORUM AC VIDUARUM
TUTORIS ATq; CONSERVATORIS
AUXILIO

&
Magnifici Juris Antecessorum SENATUS
indultu,

DIRECTORE
VIRO

Nobili, Amplissimo, Consultissimo

DN. JOACHIMO DECHERO,

Phil. & J. U. D. Pand. Profes. Publ. Præceptore
ac Patrono suo summo, summè semper
colendo,

In Auditorio Jctorum

die XII. Novembr.

examini publico sistit

CHRISTIANUS CREBS,
GORLIC. LUSAT.



Francofurti cis Viadrum

Typis

NICOLAI KOCHII, Acad. Typogr.

M. DC. LI.

VIRIS

*Nobilissimis, Amplissimis, Consultissimis
& Prudentissimis*

DN. BARTHOLOMÆO GEHLERO,
Jcto, Consulari & Syndico Reipubl. Patriæ
bene merentissimo.

DN. GEORGIO ENDERMANN /
itid. Consuli Spectatissimo.

DN. DANIELI REHNER /
Jurisperito, ac Consuli dignissimo.

DN. GREGORIO GOBIO,
Hæreditar. in Kauschewalda, Scabino primario.

DN. JOANNI BENDER / J. U.
Perito, Scabino & apud Lusatos Pract.
celebratissimo,

cæterisq;

Dnn. JUDICI, SCABINIS & SENATORIBUS,
Prudentiæ & Justitiæ Præconio maximè conspicuis,

*Dnn. Fautoribus, Patronis ac Promotoribus
meis devotè suspiciendis,*

*Hoc quæquale Exercitium
Quæ possum animi submissione reverenter
In meos meorumq; studiorum commendationem & ul-
teriorem favorem*

D. D. D.

Christianus Crebs.
Auth. Resp.

PRÆLUDIUM
DISSERTATIONIS JURIDICÆ

Quemadmodum in tam amplo, immenso ac multivago Jurisprudentiæ campo quædam materiæ inveniuntur, quæ præ cæteris ob ejus insignem utilitatem vix encomio indigent; ita & hæc præsens materia, quæ est de Jure Tutelarum, prætermisissis quæ de jure Servorum & legibus fusiis Caniniis agunt, vix desiderat prolixiorē commendationem, quandoquidem ipsa se satis superq; commendat, adeo ut de eâ convenientissimè & rectissimè illud prædicari & dici possit, quod Jctus Ulpianus in l. 1. D. de integr. rest. ait: Utilitas hujus tituli non meretur laudem, ipse enim se satis ostendit; sanè liquet, quid lex divina injungit Magistratibus & omnibus Judicibus *Exod. 22. v. 23. Esa. 1. v. 17. Jacob. 1. v. 27.* In propatulo est, quantum Reipubl. interfit, ut pupilli defendantur, hæc enim neglectâ, Respublica non adjuvatur, sed membris vel penitus privatur, vel inutilibus terræ ponderibus inquinatur. Quapropter, cum semper tales materiæ, quæ dignitate ac cognitione nobiliores, utilitate ac jucunditate ponderosiores præ cæteris seligendæ, tractandæ ac excutiendæ sint, per l. legavi 25. pr. ff. de liber. legat. l. 1. pr. ff. de suspect. tut. Placuit mihi in præsentiarum in amœnissimum & latissimum Divi JUSTINIANI IMPERATORIS nostri sacratissimi pratum exspatiari, talemq; decerpere florem, cujus usus in foro valdè frequens, maximèq; necessarius d. l. 1. pr. ff. de susp. tut. Ne verò illotis, quod dicitur, manibus rem apprehendam, opus est (1.) ut initium cum DEO TER. OPT. MAX. faciam, sine quo omnis in literarum studiis peregrinatio, est miserabilis erratio *Scal. Exercit. 359. Sect. 1.* atq; in ejus nomine ad omnia consilia & actus progrediar l. 2. C. de præf. Præf. Affr. quippe ex quo bonum semper consequitur initium, melius medium, optimusq; finis *Nov. 109. Proœm.* (2.) Ut ordinem observem, est enim ordo Entium Magister l. cui 57. ff. de V. S. sine quo progredi est equum per caudam frænare. Constat ergo exercitium

citium nostrum quinque, præcipue membris, quorum primum exhibebit definitionem quid nominis & rei. Secundum divisionem. Tertium enodabit tutoris qualitatem & officium. Quartum ager de administrationis effectu, & Quintum denique tractabit de diversis ejus finiendi modis.

MEMBRUM PRIMUM.

De Definitione nominis & rei.

Thesis I.

Quod itaque principio spectat definitionem quid nominis, tutelam à tuitione seu tuendo dictam esse, & ratio vocis & autoritas Ulpiani in *fragm. tit. ii.* confirmant. Defenditur enim per eam lubricæ ætatis Persona, quæ propter mentis & corporis infirmitatem se tueri, suisque rebus superesse non potest §. 6. *Inst. de Attil. tut. l. i. ff. de tut.* Hinc IMPERATORI JUSTINIANO tutor audit tutor §. 2. *Inst. de tut.* Imperatori VALENTINIANO simpliciter defensor l. 2. C. *quand. mul. tut. off. fung.* cum quibus facit jus Saxon. Tutor heist so viel/als ein Vormund und Beschützer/denn er soll die unmundigen Kinder beschützen/die sich vor Unmacht ihrer Vernunft und Leibes nicht selbst versorgen mögen. *ita glos. ad Weichb. c. 26. Varro lib. 6. de ling. lat.* dicitur etiam tutor ab adpectu seu intuitu, quasi pupillorum debeant esse ephori & inspectores, quam quoque deductionem, utpotè tutoris officium ostendentem, non respuimus. Illam autem planè abusivam putamus, quæ tutores quasi tollitores appellantur, eò, quòd non nunquam bona pupillorum auferant & tollant. *Alb. Rosat. in suo dictionar. vers. tutores*, quandoquidem ibi describuntur non quales esse debent, & quales ab initio præsumuntur, sed quales plerumque in recessu esse solent: ad quod etiam alludant Germani, quando dicunt: Vormund quasi vor ihr Mund / weil sie den Pupillen das Brodt vor dem Mund weg nehmen.

II.

Cum verò vocabulum tutelæ in LL. multifariè usurpetur, seponenda etiam est æquivocatio seu homonymia, omnium

um

um errorum nutrix. Sumitur tutela in genere quàm latissimè, & quidem (1.) pro omni defensione ac custodia *l. 1. C. de V. S.* (2.) pro defensione tam corporis adversus hominum injurias *l. ut vim 3. pr. ff. de J. & J. l. in omnibus 1. §. sed & si 2. ff. de tut. & rat. distr.* quàm aliarum rerum, intellige dotium *l. pen. ff. de impens. in res donat. fact.* fundi, ædificiorum *l. fructus 7. §. ult. ff. solut. matr.* (3.) pro tutela Civitatis *l. Prætor. §. 2. ff. de Cloac.* (4.) pro curâ, quàm in sua latitudine etiam comprehendit *l. pater §. conditionum 2. ff. de condit. & demonstr. l. ne lucrum 5. C. de cur. fur.* (5.) deniq; pro tuitione impuberum *l. filio 17. D. de inj. rupt. & irrit. fact. test.* Hinc *Cic. l. 2. ad Calium.* Te tamen oramus, ait, quibus cum erimus in terris, ut nos liberosq; nostros tueare, ut amicitia nostra postulabit; rejets autem cæteris ultimam specificam acceptionem pro propria agnoscimus.

III.

Sicut maximè periculosum est novas excogitare opiniones; ita etiam non satis tutum fore autumo, novas proferre definitiones, proinde libuit Servii Sulpitii non infimæ Classis Jcti, Definitionem ab Imperatore nostro receptam, retinere: Tutela, ille inquit, est vis ac potestas in capite libero adtuendum eum, qui propter ætatem se defendere nequit, Jure Civili data ac permessa. *l. 1. ff. de tut. §. est autem Inst. eod.*

IV.

In hac Definitione generis loco ponitur *vis & potestas*: circa quæ verba mirificè defudant Juris Interpretes, adeò, ut tot ferè sint sententiæ, quod capita. Aliis duplicatum genus non placet, aliis alterutrum, aliis utrumq; essentiam & naturam tutelæ non satis exprimere videtur. Nulli eorum adhæremus. Non prioribus, quia in jure nostro necesse non est, ut accuratissimas definitiones juxta Logicorum præcepta & regulas concinnentur *Bach. ad §. 1. Inst. de tut. & quia unum per alterum rectius potest explicari Anton. Matt. add. §. 1.* Non cæteris, quos sequitur *Vultej. Wesenb. & Treutl.* modo tamen verba *vis & potestas*, commoda interpretatione molliantur: per vim enim intelligenda est non vis violenta

in atrocitate consistens, uti putavit *Accurs. in d. l. 1. ff. h. r.* sed
administrativa, defensoria, & ut loquar ex mente Arumæi.
amicabilis & dispositiva, quâ pupilli persona defenditur, ejusque
res seu bona conservantur, per potestatem non strictè accipi-
endum est jus in personam, quale habet Magistratus in subdi-
tos, Dominus in servum, Pater in filium *l. 215. D. de V. S.*
quomodo accipitur *in pr. tit. Inst. de tut.* sed late pro jure,
quod Tutor ad Personam habet, pro ea potestate, quæ non
directa est ad commodum imperantium seu eorum, qui eam
habent; sed quæ tota comparata est ad utilitatem eorum, qui
in ea potestate sunt. Et hoc modo, si vocabula explicen-
tur, quin parili ratione naturam tutelæ satis exprimant, ne-
mo est, qui non videat; ut necesse non sit in locum nostri
generis substituere vocabulum jus, præsertim cum & hoc vo-
cabulum suis ambiguitatibus non careat. *vid. l. ult. ff. de just.*
& jur.

V.
Subjectum sive materiam denotant verba *in capite libero.*
Quæ licet ad utrumque cum Donello *l. 3. Com. Jur. Civ. c. 1.*
commodè referre possimus; attamen si mens IMPERATO-
RIS inspiciatur, potius ad tutorem quàm pupillum protrahi
videntur. Arum, Arith. Pac. & Riem. cum sufficiat tuto-
rem liberum esse, pupillus autem non tantùm liber esse de-
bet, sed & sui juris, i. e. patriæ potestati non subiectus *l. 6.*
§. fin. l. 14. ff. de tut. cui caput liberum ex proprietate voca-
buli opponi non potest *l. 8. ibi, quodammodo ff. de probation.*
Sed ulterius & verba sequentia ad tuendum eum satis innu-
unt & monstrant, non de pupillo IMPERATOREM cogi-
tasse, aliàs enim sermonis ratio efflagitasset, & necessum ha-
buisset Imperat. dicere ad tuendum id, sed cum hoc non fe-
cerit, magis præsumptio militat & stat pro tutore quàm pu-
pillo. *Diss. Wesenb. in π. de tut. n. 4. Rittersb. Borch. Vult.*
n. 3. Bronch. Sudholt. & Ungep. exerc. 4. quest. 1. in nego.

VI.
Finem hæc verba, *ad tuendum eum*, ostendunt, qui
duplex, vel primarius, vel secundarius. De secundario con-
sistens

stans in administratione, nostra definitio exaudienda non est, sed de primario, qui est, ut tutor pupillum indefensum non relinquat, quod, tum ex Etymologia superius tradita, tum ex l. 30. ff. de adm. & peric. tut. apparet, quo sine tutela à cura & patria potestate distinguitur. A curâ, quia hæc primario & principaliter administrationem bonorum spectat l. 8. C. de nupt. l. 7. §. 3. ff. pro empto. per consequentiam verò Personam, quod in tutela inverso modo procedit l. certarum 12. l. 14. ff. de test. tut. tot. tit. Dig. de adm. & peric. tut. A patria potestate, quæ in coercendo & acquirendo consistit, non, quomodo tutela, in tuendo & defendendo.

VII.

Anneditur tandem definitioni causa efficiens, quam rejicit Vultej. quasi ex doctrina Logicorum ea definitionem ingredi non possit, quod falsum esse in accidentium definitionibus, qualis hæc nostra est, docet Keckermannus. Syst. Log. lib. 1. Perhibetur autem Jus Civile causa efficiens esse tutelæ, fortè non aliâ ratione quàm patria potestas, successio & testamenta isti Juri adscribuntur. Ut nihil repugnent seu resistant verba, quæ habentur in §. pen. Inst. de Attil. tut. Dicimus enim tutelam respectu approbationis & formæ à populo Roman. factæ esse juris Civilis, quanquam respectu ortus seu originis & essentiæ eam Juris naturalis esse & apud alias gentes in usu fuisse non negemus.

MEMBRUM SECUNDUM

De Divisione.

Thesis I.

Atq; ita enodavimus definitionem, quam rectè sequitur divisio. Quæ aliunde desumi non potest, nisi à causa efficiente, eaq; proxima, quâ dicitur, aliam tutelam esse testamentariam, aliam legitimam, aliam deniq; dativam l. 7. ff. rem pup. salv. for. l. 52. C. de Episcop. & Cler. Inst. tit. 13. 14. 15. & 20. Equidem omnis tutelæ causa efficiens est jus sive lex, ut dictum est in præced. membr. th. 5. sed non cujuscunq; causa proxima. Defert enim interdum tutelam mediate i. e. mediante

diante aliã personã, quam in sui societatem quasi adsciscit, quæ Persona aut privata est, ut Parens, qui testamentum condit secundum præscriptas leges, & ea tutela appellatur testamentaria, aut publica est, ut Magistratus, & ab eo tutela vocatur honoraria s. dativa. Interdum autem defert tutelam immediatè, ubi proxima causa efficiens jus vel lex manet, & tunc ea tutela κατ' ἐξοχήν legitima nominatur. Hæc itaq; ratione mihi planè divinitorium videtur, cum Cujac. & Vultej, rem ad διχοτομίαν reducere, aut cum aliis unam saltem speciem nempe legitimam agnoscere & constituere arg. l. 130. ff. de V. S.

II.

Primus locus meritò tribuitur tutelæ testamentariæ, quemadmodum enim tamdiu successionem & hæreditati legitimæ locus non est, quamdiu hæres ex testamento speratur l. 2. C. unde liberi. ita etiam tamdiu cæteræ tutelæ sunt in suspensio, quamdiu testamentaria speratur l. 89. ff. de R. J. l. 11. ff. de test. tut. Est autem tutela testamentaria, quando parens liberis in potestate constitutis, & non in alterius potestatem recasuris, impuberibus testamento vel codicillis testamento confirmatis tutorem dat. §. 3. hic & l. 3. ff. de test. tut. Ex qua definitione apparet, tria desiderari, ut hæc tutela testamentaria constituatur. Primò in persona testatoris dantis, patria potestas, qualem habent Pater, avus paternus, & omnes ex paternâ linea ascendentes §. 3. Inst. qui test. tut. dar. l. 73. §. 1. ff. de R. J. inde excluditur mater §. 10. Inst. de adopt. l. 4. ff. de test. tut. quæ ex lege & jure stricto jus dandi tutores non habet. Interdum tamen ex humanitate talis datio sustinetur, si liberos instituât hæredes, & patiatur, ut tutor cum inquisitione confirmetur, l. 2. ff. de confirm. tut. d. l. 4. ff. de test. tut. Secundò in Personis quibus dantur, ut ante mortem dantis sint filii fam. post mortem autem ejus tales esse desinant, ubi non tantum intelliguntur iam nati i. e. utriusq; sexus liberi, sive sint masculi sive fœminæ l. 1. ff. de test. tut. nepotes & nepres, cæteri q; descendentes d. l. 1. ff. eod. verum etiam nasci

nascituri seu posthumi Dom. Arum. Exerc. Inst. 3. th. 5. dum-
modò sint posthumi sui non alieni i. e. dummodò si vivo pa-
rente nascerentur, sui hæredes fierent aut futuri essent. *Pac.*
hic in Analys. Inst. b. §. 4. de tut. An etiam parens exhæ-
redato filio possit dare tutorem, quæritur?
Quod affirm. per *b. 4. l. 11. §. 2. in primis l. 31. ff. de test. tut.*
§. l. 77. §. 2. ff. de condit. & demonstr. qui text. lo-
quuntur generaliter de liberis in potestate existentibus, neq;
distingvunt inter institutos & exhæredatos, ut nobis non in-
cumbat, lege tacente sic distingvere *l. 8. ff. de publ. in rem acti-*
on. l. 1. §. generaliter ff. de legat. prest. erubescimus enim sine le-
ge loqui *Nov. 18. c. 5. Jason. in l. Præses 12. n. 3. v. unde erubesci-*
mus & c. C. de transact. De emancipato filio majus dubium est,
qui tempore mortis patris in potestate non est, patriâ pote-
state per emancipationem soluta *§. 6. Inst. quib. mod. patr. pot.*
solv. idè ipso jure tutorem ipsi dari non posse dicendum:
interim tamen, si quem pater constituerit, ne planè inutilis te-
statoris voluntas reddatur, confirmandus est ex sententia
Præsidis omnimodò, i. e. sine inquisitione, censetur enim
pater, non obstante emancipatione, nihilominus propter
affectionem liberis suis quam optimè prospexisse *l. 22. ad L.*
Jul. de adult. An autem tutores testamento non re-
ctè dati, sint confirmativi tutores testameta-
rii, an dativi, tractant hîc Dd.? Nos respondemus,
quod distingvendum sit: an tutor datus fuerit ab eo, qui
aliàs jus dandi tutores habuit, an verò ab eo, qui jus dandi
tutores non habet. Si prius; non simpliciter erit testamen-
tarius, sed dativo aliquo modo similis. Si posterius; non sim-
pliciter erit dativus, quia Prætor necesse habet, in confir-
mando sequi judicium testatoris, sed testamentario aliquo
modo similis erit, adeoq; habebit tutor confirmatus naturam
mixtam, testamentarii scil. & dativi, & ad cujus naturam
magis accedit, ac de cujus natura magis participat ab eo di-
cendus erit: nimirum si plus de testamentario participat,
B

testamentarius, si de dativo, dativus. Bachov. *ad Treutl.*
p. 2. disp. 8. th. 2. lit. C. pag 407. Tertio & ultimo quoad
modum dandi, ad testamentariam tutelam constituendam
desideratur, ut datus sit tutor in testamento Perfecto, aut
Codicillis testamento confirmatis. Nihil autem interest,
an ad certum tempus, an ex certo tempore, aut sub condi-
tione datus fuerit. §. 3. *Inst. qui test. tut. dar. poss.* cum tutela
testamentaria actus legitimus non sit *l. 27. ff. de R. J. l. 6. §. 1.*
ff. de tut. hoc interest, ut certæ rei vel causæ non detur *l. 12. ff.*
de test. tut. §. 4. Inst. qui test. tut. dari. poss.

III.

Primâ tutelæ specie, quæ testamentaria nominatur,
enucleatâ; ordine jam transitum sumus facturi ad alteram,
quæ legitima dicitur. Est autem legitima tutela, quam lex
cesante testamentariâ, certis Personis, vel agnatis vel cognatis
defert. *pr. Inst. delegit. agnat. tut.* Ubi secernimus ordinari-
am ab extraordinariâ seu Anomala, vel, ut loquitur
Vultej. Imperatoriâ. Hanc extraordinariâ cum Justin. in Nov.
118. c. 5. matri & avia adscribimus. Hæ quidem mulieres re-
gulariter & ordinariè, sive de Jure Pandect. sive Cod. quæra-
mus, ob sexûs consiliûq; fragilitatem ad nulla munera publi-
ca admittuntur *arg. l. 2. ff. de R. J.* quæ si cogitemus esse tu-
telam *pr. Inst. de excus. l. 9 ff. de his qui sunt sui vel alien. jur.* Vi-
desis Magnif. Dn. D. Carpzovium *part. 1. const. 1. def. 10. n. 4.*
Arum. exercit. Just. 3. th. 19. vix dubitare licebit, an etiam ad
tutelam admittendæ. Extra ordinem tamen ex speciali con-
cessione Imperatoris, amissis viris, tutrices liberorum suorum
legitimorum & naturalium esse possunt, non quidem pro-
pter suecessionem, sed ob singularem amorem, quem erga li-
beros habere præsumuntur *l. fin. C. cum auth. ad hac § l. 2.*
auth. matr. C. quæd. mul. tut. off. fung. Treutl. vol. 2. disp. 8. th.
3. lit. d. quod etiam de Jure Saxon. observatur, teste Dn. D.
Carpz. *part. 2. const. 11. def. 11. n. 5. & seq.* hæc tamen additâ li-
mitatione, si modo renuncient secundis nuptiis & Scto Vel-
lej. non quidem ut olim præstito juramento *d. Auth. matr. C.*
quæd. mul. tut. off. sed sufficit hodiè, si mater & avia apud
acta

acta iudicii simpliciter sine juramento secundis nuptiis & aliis beneficiis renuncient. Schneidew. ad pr. Inst. qui test. tut. dar. posf. n. 11. & 12.

Ordinaria autem est, quæ originem habet ex l. 12. tabb. & hæc vocat nonnullas Personas expressè, nonnullas tacitè, sive obliquè. Expressè & directis verbis vocat agnatos, qui aliquando sperant successionem in bonis pupillorum l. 1. ff. de legit. tut. ut satisfaceret axiomati illi; percipientem commodum, debere etiam decrementum sentire l. 10. ff. de R. J. Nov. 118. c. ult. Implicitè, obliquè & ex legum sententia etiam Patronos l. 3. ff. de legit. tutor. l. 6. §. 1. de V. S. propter identitatem rationis l. 32. ff. ad L. Aquil. quæ æq; militat in illis ac in agnatis. Nam à lege tutela agnatis defertur propter successionem, ut dictum est l. 1. ff. de legit. tut. Hoc verò commodum successionis etiam sentiunt Patroni, quando liberti sine liberis decedunt. Non immeritò igitur & tutelæ onus subire coguntur t. t. Inst. de legit. agn. tut. & d. l. 3. ff. de legit. tut. Huic proxima est quasi legitima tutela, quæ neq; ex verbis, neq; ex interpretatione legis 12. tabb. descendit, sed saltem ad exemplum legitimæ introducta est, quam iterum deprehendimus duplicem, Parentum & Fratrum. Parentum est, quando Parentes ad exemplum Patroni liberorum emancipatorum tutores fiunt Inst. de legit. Par. tut. §. 6. inst. quib. mod. patr. pot. solv. quemadmodum enim Dominus manumittens servum suum impuberem fiebat tanquam Patronus ejus legitimus tutor; ita Pater manumittens seu emancipans filium impuberem fiebat quasi filii manumissi Patronus, atq; ad exemplum ejus tutor, præsertim cum jure Prætorio bonorum possessionem impetrari possit. Fiduciaria est, quæ ad fratres perfectæ ætatis defuncto Parente tutore defertur t. t. §. de fid. tut. & illa neq; ex verbis, neq; ex mente legis 12. tabb. sicuti Patronorum, neq; etiam per interpretationem seu extensionem, sicuti Parentum, sed tantum propter spem & fiduciam, quam lex habebat erga fratres, introducta est, lex enim confidebat, fratres propter Jus seu conjunctionem sanguinis fore in defendenda Personâ fra-

tris emancipati impuberis præ cæteris diligentiores, ipso
nativo nomine id indigitante. Et hic est juris antiqui mo-
dus deferendi tutelam legitimam. Hodiè verò per jus Auth.
sublata est illa differentia, quoad successione & tutelam,
adeò ut tam ad agnatos, quàm cognatos indifferenter & pro-
miscuè (post matrem scilicet & aviam, de qua in præced.) ea de-
volvatur §. *ex his in Auth. de hered. ab intest. ven. Col. IX.* ad-
ditâ hæc restrictione, ut si plures sint ejusd. gradus, Prætor
uni vel pluribus magisq; idoneis, omnium tamen periculo,
tacitaq; bonorum hypotheca eam demandet. & concedat
*Nov. 118. juncta. auth. sicut C. de legit. tut. Georg. Schulz. in Sy-
nopf. Inst. sub tit. 15. de legit. agn. tut.* ubi contrarium in foro
Saxonico observari attestatur, agnatos perinde ac Jure veteri
iterum cognatis præferri, eo ordine, ut semper ad proximi-
orem, & inter plures proximiores ad seniorem agnatum tu-
tela pertineat. Sed & differentia inter suos & emancipatos
hodiernâ luce, quoad legitimas successiones s. tutelas pro-
fus sublata est per *d. Nov. 118. c. 4. l. 4. C. de leg. tut.* & nostris
moribus liberi nostri non aliter nisi per nuptias, vel separa-
tam familiam, qui actus in impuberes non cadunt, tacitè e-
mancipati, vel è potestate patria dimissi intelliguntur, ut ita
utriusq; quasi legitimæ tutelæ usus amplius nullus sit, Schulz.
ad tit. 14. J. de leg. par. tut. sed cum verè legitima coincidat,
prout annotavit Setser. disp. 6. th. 22.

IV.

Restat tertia tutelarum species dativa, de qua in L. At-
tilia, Titia & Constitutionibus Imperatorum olim dispositum
erat, quibus legibus tantum certi Magistratus licentiam habe-
bant, pupillis tutores constituendi *pr. & §§ seqq. Inst. de Attil. tut.*
Sed hæc datio hodiè est obsoleta. Jure novissimo hanc tu-
telam dativam vocamus, quam Magistratus liberrimâ vo-
luntate & impulsu proprio ad petitionem matris vel proximo-
rum consanguineorum, deficientibus testamentariis & legi-
timis, alicui refert *t. t. D. de tut. & curat. dat.* unde facilè ad
questionem, **Utrum tutelæ datio sive jus dandi tu-
tores**

tores Jurisdictionis sit necne? responderi potest ne-
gativè, si ad jus ff. & Cod. respiciatur; Dicendum ta-
men, accipi eam interdum pro omni notione in civilibus
l. 1. ff. de Jurisdic. l. 3. pr. ff. de postul. l. 8. § 18. ff. de transact.
l. 1. C. de offic. Præ. l. 3. § 5 ff. judic. solv. & alibi, interdum
pro illa tantum, quæ jure Magistratus competit *l. 1. ff. de off.*
eius cui mand. si priori modo sumatur, rectè etiam tutelæ da-
tionem Jurisdictionis esse nos dicimus, si posteriori, secus,
prout etiam expressè negatur *l. 6. § 2. D. de tut.* eam Jurisdi-
ctionis esse, aut Imperii, sed ei soli competere, cui nomina-
tim hoc commisit & dedit lex, vel S. C. tum, vel Princeps, quod
etiam *t. t. Inst. de Attil. tut.* probat: ex quo verificatur, certis tan-
tum Personis, hoc ius competiisse ex speciali concessione *pr.*
d. t. §. 1. 2. & 3. eod. quæ speciales permissiones omnes aliàs
non fuissent necessariae, si jurisdictionis esset, & jure Magi-
stratus competeret. Dubium autem suboritur, tutoris da-
tionem posse mandari *§. 4. d. t.* quæ si Jurisdictionis non ef-
set, haud posset. Verum nonnulli *Dd. adh. §.* respondent,
jussum hinc non esse accipiendum pro mandato, sed pro ad-
monitione, quia Magistratus municipales hanc potestatem
expediebant admoniti. Nos addimus, jussum intervenien-
tem adimplere conditionem à lege præscriptam, non autem
Jurisdictionem mandare; magis est, quod ex *l. pen. ff. de off.*
Pro Cons. & leg. adferunt, Legatum Pro Consulis tutorem da-
re posse, quod si verum, (uti est,) videtur dicendum, tutoris
dationem posse mandari, nam Legatus Proconsulis utitur
mandatâ Jurisdictione; sed sciendum Legatum Proconsulis
& habuisse mandatam Jurisdictionem, & propriam *l. 17. §. 5. ff.*
manumis. vindict. adde l. fin. C. de vind. libert. ita tamen ut hanc
non principiat habere, quam istam habeat à Proconsule mā-
datam *l. 4. §. ult. ff. de off. Pro Cons. & legat.* tutorem enim dabat
non vi delegatæ Jurisdictionis, sed quia lex i. e. Constitutio seu
oratio Divi Marci specialiter hanc potestatem ipsi dedit *l. 1.*
§. 1. ff. de tut. & cur. dat. Hodiè verò mutatâ Reipublicæ for-
mâ, & receptâ consuetudine omnis Magistratus Municipalis
& Civitatum Judex indistinctè tutores dare potest Schulz. ad

§. 5. *Inst. de Attil. tut. lit. a* adeo ut non ineptè moribus nostris dici possit tutelæ dationem esse Imperii vel Jurisdictionis. vid. Ord. Pol. Caroli V. Augustæ Anno 1548. & à Rudolpho II. Francofurti Ann 1577, confirm. rubr. von den Pupillen und minderjährigen Kindern / tutorn und Vormündern S. so wollen wir.

MEMBRUM TERTIUM. De Tutoris qualitate & officio.

Thesis 1.

In tutore hisce modis dato requiritur, ut non impediatutur tutor esse vel facto vel jure. Facto impediuntur, & quidem ob defectum animi furiosus, minor viginti quinque annis §. 2. *J. qui test. tut. dar. poss.* prodigus arg. l. 10. §. 3. *ff. de test. tut.* mulier l. 16. l. ult. *ff. de tut. arg.* l. 2 *ff. de R. J.* (except. vid. in tit. C. *quand. mul. tut. off. fung.* confer sup. membr. 2. tb. 3.) vel quia omni intellectu l. 14. *de off. Praef. judicio* l. 12. §. 2. *de jud.* & sensu destituuntur l. 22 §. 7. *solut. matr.* vel quia ipsi sunt sub potestate Curatorum, quorum adminiculo indigent §. 3. *Inst. de curat.* vel denique, quia ob sexus fragilitatem vix sibi sufficere possunt. Ob defectum corporis impediuntur mutus, surdus & cæcus, quorum illi animi sensa commode explicare, auctoritatemque, quæ secundum inferius dicenda, maxime in tutore requiritur, interponere; hic verò, quæ præcipue utilia esse possunt pupillo, animadvertere non potest l. 3. *C. qui dar. tut.* Jure seu lege prohibentur tutores esse (1.) Servi l. 7. *C. qui dar. tut. poss.* & hoc, quia eorum, quæ juris Civilis sunt, qualis est tutela, capaces non sunt, nec ejus communionem habent. Nec impedit, quod in testamento servi dentur tutores §. 1. *Inst. qui test. tut.* non enim ut servi dantur, sed quatenus in testamento libertatem directam vel fideicommissariam nanciscantur. (2) Milites tam armati, ne si à signis absint, Respublica l. 4. *C. qui dar. tut. poss.* quam cœlestes ne si à cultu divino avocentur, Ecclesia damnū pati debeat *Nov. 123. c. 1. ibiq.* *Rittersh. part. 8. n. 4.* & tales sunt Episcopi & Monachi, Diaconi & Subdiaconi, Excipe: nisi tutela sit legitima, tunc hi Diaconi & Subdiaconi, admittuntur.

tuntur, si ultro velint *d. Nov. 123. c. 5.* & ibi Cujac. arg. l. 52.
C. de Episc. & Cler.

II.

Ita qualificatus tutor à testatore, lege vel Magistra-
tu delatum munus suscipere, (est enim tutela munus publi-
cum, ad quod quis etiam invitus cogi potest §, 3. *Inst. de*
Attil. tut.) & suscepto officio rectè præesse tenetur. Consi-
stit illud tutoris officium in duobus: in administratione &
authoritatis interpositione. In administratione prænotan-
da sunt ejus antecedentia, qualia sunt (1.) Satisfatio (2.) jura-
mentum *Nov. 72. c. ult. §* (3.) Inventarii confectio *l. 7. ff. de*
adm. tut. Quod ad primum attinet, Imperator inter alia re-
media & hoc in favorem pupillorum introduxit, ut tutores
satisdant, seu cautionem præstent rem pupilli salvam fore
tot. tit. Dig. rem pup. salv. for. propter rationem, quam ipse as-
signat *in pr. Inst. de satisfd.* ne videlicet bona eorum, qui in
tutela curatave sunt diminuatur & consumantur, & ne
quid incuria, ne quid fraude depercat *l. 2. C. quand. mul. tut.*
off. fung. Illa satisfatio nihil aliud est, quam cautio, quæ fit
datis fidejussoribus *l. 1. ff. qui satisfd. cog. Pac. in Analys.*
Inst. ad pr. de satisfd. tut. Hinc convenienter quæri so-
let: **Anne satisfatio fieri possit pignoribus?**
Nos pupilli commodo faventes; negativæ subscribimus, cui
melius est habere fidejussorem, quam pignus, propterea
quod creditor ex pignoris contractu ad diligentiam & custodi-
am obligetur *l. 23. ff. de R. J. §. ult. §. quib. mod. re contrah. oblig. &*
quod pignora quæ multis modis variisq; casibus perire pos-
sunt, non statim emptorem inveniant, reddantq; expediti-
orem modum conveniendi fidejussores l. ult. C. de jur. dom.
impetr. l. 4. §. 1. 2. D. rem pup. salv. for. Quibus accedit, quod
stipulationes Prætorie præcisè desiderent personas *l. 7. ff. de*
stip. Prat. inter quas & hæc satisfatio numeratur, sicut liquet
expr. §. de satisfd. §. d. l. 7. ff. de S. P. Vid. hic Ampl. Dn. Brun-
nemanni, Præceptoris mei, omni veneratione, quæ debeo,
excipiendi *Exercit. 4. sup. Inst. ad h. t. de satisfd.* Dn. Groß b. m.
coll. jur. mod. disp. 4. sb. 23. Föft. disp. 5. sb. 5. Dom. Arum. Ex-
erc.

erc. *Just. 3. tb. 18.* Pac. & Harpr. ad h. t. Hujus autem fidejussoriae satisfactionis onere olim Jure veteri tutores testamentarii, sive utiliter sive inutiliter dati, quales sunt hi, qui à matre in perfecto testamento *l. 2. ff. de confirm. tut.* aut à patre in imperfecto testamento codicillisve *l. 3. ff. de test. tut.* constituti *d. l. 2. & ult. ff. de confirm. tut.* aut ex inquisitione dati non gravabantur *l. 4. C. de tut. & cur. qui satisf. non ded. l. 8. C. de Cur. furios.* Arnold. de Reyger in suo thes. jur. de tut. p. m. 1566. n. 471 & modo laudatus Dn. D. Brunneman. *d. l.* eò quod eorum fides & diligentia ab ipso testatore & Magistratu electa & approbata esset *l. 17. pr. de test. tut. l. fin. C. de auth. prest. junct. l. ult. C. de cur. fur. l. 3. §. 1. de administr. tut.* quod secus observabatur in legitimis tutoribus vel honorariis h. e. à Magistratu sine inquisitione datis, hi enim omninò satisfactionem præstare tenebantur. Posit autem alicui videri absolum, providentiæ hominis, qualis testator & Magistratus, tantum tribui, quantum non providentiæ legis. Videlicet, ut quod res est, dicamus, differentiæ ratio est in eo, quod providentiæ legis nimis generalis est & è longinquo, & quæ saltem præsumit agnatos fore fideles: Patris verò providentiæ specialis est & in proximo, quæ scit & novit quàm optime qui liberis sint idonei tutores. Verùm hæc jure novo in d. Const. Pol. Caroli V. & Rudolphi II. tit. von den Pupillen und minderjährigen etc. plane abrogatum reperitur, ubi omnes, sive testamento constituti, sive à lege, sive à judice, & vel ex inquisitione vel non, bey Verpfändung aller ihrer Haab und Güter / so viel derer hierzu von nöthen &c. satisfacere coguntur; à quo antiquo jure & constitutione Carolinâ aliquo modo recessit iterum jus Sax. quo tutor, qui est proximus hæres pupilli, à satisfactione relevatur *per tex. Landr. lib. 1. art. 23. vers. Wo aber der Vormund junct. aibi gl.* atq; ita observari, attestatur Schulz. ex Coler. dec. 6. n. 25. sub fin. in Synops. Inst. de satisf. tut. Secundum antecedens est juramentum, quod præstare tenentur omnes, sancteq; promittere, se absq; dilatione pupilli defensionem suscepturos *l. 30. ff. de adm. tut. l. 28. §. pen. ff. eod.* Personam Pupilli in timore DEI bonisq; moribus educatu-

caturus, mercedes Præceptoribus juxta vires patrimonii
l. 12. §. pen. ff. de adm. & peric. tut. constitutos l. 4. ff. ubi
pup. educ. se velle corpus, itemq; salutem impuberis tueri l. 7. pr.
ff. de cur. fur. alimenta ei præbere l. 3. §. tutor. ff. de susp. tut. acti-
ones l. 22. ff. de adm. & peric. tut. vel per se, vel per alios l. 11. C.
de Procur. exercere, pro impubere promittere, solvere l. 10.
ff. de adm. & peric. tut. pecuniam si ejus copiam habet, & è
re pupilli videtur, licito fœnori, ut exinde sustentationem
habere possit, exponere, eaq; omnia facere, quæ in rem im-
puberis erunt, inutiliaq; prætermittere N. 72. c. 8. l. 28. §. pen.
C. de adm. tut. l. 27. C. de Episc. aud. De educatione ubi & apud
quem ea fieri debeat, possunt videri l. 5. §. r. r. ff. & C. ubi
pup. educ. deb. ibiq; Wesenb. Schotanus & Schneidew. ad §. impu-
bes Inst. de Act. tut. n. 4. & 5. Et quamvis aliqui ex Dd. sint,
qui statuunt moribus nostris hanc juramenti præstationem
esse abrogatam, illud tamen tantum de solemnibus & riti-
bus, quæ constitutio d. l. 27. C. de Episc. aud. requirit, non de
ipso juramento tutorum absolute considerato intelligendum
memini traditum ab Ampl. & Excell. Dn. D. Polycarpo Wirth,
Lipl. in Coll. Inst. priv. *Tertium antecedens* - & inventarii seu repertorii confe-
ctio, quæ caput & fundamentum perhibetur reddendarum
rationum l. 28. ff. de cond. & demonstr. In istud inventarium
protinus cunctas pupilli res, sive mobiles, sive immobiles,
corporales & incorporales, nullis exceptis, quas habet, no-
minatim & specificè conscribere tenentur l. 7. pr. ff. de adm.
tut. l. 24. C. eod. l. fin. §. ult. C. arbitr. tut. nisi velint tanquam
suspecti removeri, atq; ita infamiâ notari, ac in id quod inter-
est pupilli teneri l. ult. in pr. C. de adm. tut. unde ante id con-
fectum tutores dati nihil agi d. l. fin. §. 1. C. arbitr. tut. nihilq;
ab eo gesta valere dicuntur l. 7. pr. D. de adm. tut. Jure tamen
Saxonico aut inventarium exhibere, aut deficiente eo bona
pupilli juramento indicare debet. Mf. Dn. D. Carpz. part. 2.
const. n. decis. 6. n. 4. Hæc omnia, si antecesserint, sequitur ipsa
administratio, quæ jure novo à Judice seu Magistratu speci-
aliter tutoribus prius committi & decerni debet d. Const. Pol.
Carol.

Caroli V. de Anno 1548. & 1577. tit. von der Pupillen und minderjährigen Kinder tutorn fol. 375. & fol. 689. ibi: daß ein jeglicher Vormund/ er sey gleich Testamentsweise verordnet / oder durch des Recht und Richter gegeben / sich der Vormundschaft nicht unterziehen soll / die Verwaltung sey ihm denn zuvor durch die Obrigkeit decerniret und anbefohlen. Montan. de tut. c. 32. reg. 1. n. 1. & seqq. quam postea secundum juramentum instituere & regulare tenentur.

II.

Alterum in quo tutoris officium consistit, est *authoritatis præstatio*, quæ in eo à speciali administratione differt, quod hæc *authoritas* requirat, ut ad negocium gerendum concurrat tutor & pupillus simul, illa verò administratio contenta sit tutore solo. Definiri potest *authoritas*, quod sit legitima & expressa à tutore facta approbatio negotii illius, quod à pupillo & extraneo peragitur *l. 3. ff. de auth. tut.* Hic ante omnia videndum & dispiciendum, in quibusnam actibus necesse sit, ut negocium à tutore & pupillo simul geratur. Equidem negocia omnia qualiacumque etiam sint à pupillo gesta invalida sunt per se, si non adhibita sit tutoris *authoritas*, sed tamen sunt nonnulla, quæ in gratiam pupilli non secus ac si revera *authoritas* intervenisset, pro validis habentur, qualia sunt ea, quæ vergunt evidenter ad utilitatem & commodum ipsius *l. 11 D. de acqu. rer. dom.* seu ut loquitur JUSTINIANUS *pr. Inst. de auth. tut.* in quibus suam conditionem manifestè meliorem reddit: ut ecce, si stipuletur §. 9. *J. de inut. stip.* si donationem contrahat *l. 3. C. de acquir. vel amitt. poss.* si liberationem per pactum de non petendo debito *l. 28. ff. de pact.* aut per acceptilationem sibi acquirat *l. 2. ff. de accept.* si legatum aut fideicommissum acceptet. Excipiuntur ergo actus & negocia, quibus præsumptivè suam conditionem deteriore facit, quales actus & negocia sunt hereditatis extraneæ aditio §. 2. *J. l. de auth. tut.* contractus ultrò citroque obligatorii *l. 19. ff. de V. S.* qui absque tutoris *authoritate* ex parte pupilli prorsus non valent. Ex parte, dicimus, pupilli, quia ex parte alterius contrahentis nihilominus subsistunt *dr. J. de Auth. tut. in fin.*

in fin. qui sibi imputare debet, quod cum homine minoris ætatis contraxerit, cum quemlibet oporteat conditionem ejus nosse, cum quo contrahit *l. 19. ff. de R. J.* alias ignorantia Juris ipsi nocet *l. regula ff. de jur. & fact. ign.* Omnia tamen hæc intelligenda sunt de obligatione, quæ ex consensu seu verò contractu proficiscitur, non de ea, quæ sine consensu ex re venit, ut si socius pupilli in rem communem aliquid impenderit, tunc pupillus obligatur, etiamsi tutoris autoritas non intervenerit *l. furiosus 46. ff. de obl. & act.* Modum interponendi autoritatem, quod attinet, juxta superius traditam definitionem, ut validus sit actus, necesse habet tutor, aut illum actum seu negotium insimul & conjunctim cum pupillo celebrare vel contrahere, aut negotium à solo pupillo præsentente tamen ipso contractum protinus approbare *d. §. 3. Inst. de auth. tut.* Ita enim tutore præsentente excluditur omnis metus & dolus *l. 35. C. de transact.* Post tempus igitur & confectum jam negotium aut per epistolam, ejus autoritates ex intervallo interposita nihil agit? Ita putamus per *l. 9. §. tutor. §. ff. de auth. tut. & §. 2. Inst. eod.* cum ea quæ ad solemnitatem pertinent, in ipso actu ut interveniant, necesse sit *l. 1. §. 1. l. continuus 137. ff. de Verb. Obl. Disl. Cujac.*

MEMBRUM QVARTUM.

De Effectu Administrationis.

Thesis I.

Hæc administratio rerum pupillarum & autoritatis interpositio, de quibus hætenus, hoc operantur, ut exinde, tanquam ex tacitis conventionibus inter tutorem & pupillum habitis juris præsumptione firma, eaq; mutua nascatur obligatio *§. ult. Inst. de oblig. §. 2. Inst. de oblig. quæ ex qs. contr.* perindè ac ex qualibet negociorum gestione *§. 1. Inst. eod.* cujus ratione non tantum pupillus tutorem per actionem tutelæ directam convenire potest (1.) ad rationes finitâ tutelâ *§. ult. Inst. de Attil. tut. l. 1. pr. & §. ult. l. 4. pr. l. 9. §. 4. ff. de tut. & ration. distr.* (secus Jure Canonico *Clem. quia 2. §. ut autem de religios. dom. c. pastoralis 2. vers. presenti de Cler. egrot. in 6to. Saxonico lib. 1. art. 23. & Ord. Pol. Car. V. Anno 1577. & à Ru-*

dolpho II. confirmata. ibi: daß der Vormund jährlich) red-
dendas (2.) ad damna dolo, culpa lata & levi data præstan-
da; sed & tutor adversus pupillum contrariam actionem
intendere potest, ad obtinenda ea, quæ ipsi propter tutelam
absunt, veluti si tutor in rem pupilli necessariò vel utiliter
aliquid impenderit, aut pro pupillo ita se obligaverit, ut exin-
dè pupilli conditio melior facta sit *l. i. §. t. t. ff. de contr. tut.*
§. util. act. §. tutores 2. Inst. de obl. quæ ex qs. contr. quoniam
ne pupillus quidem locupletari debet cum alterius jactura
l. 14. ff. de condiçt. in deb. l. 206. ff. de R. 7. nec ejus favor talis,
ut alteri debeat officium suum esse damnosum.

MEMBRUM QUINTUM

& ULTIMUM.

De modis finiendi Tutelam.

Thesis I.

Et hi fuerunt modi tutelam constituendi, eam exercen-
di & administrandi. Sed perinde ac aliæ res in natura cer-
to tempore oriuntur, conservantur & intereunt, *Vultej. ad*
pr. Inst. quib. mod. toll. ob. ita etiam tutela suis non destitui-
tur modis, quibus illa legitime constituta hætenus per ad-
ministrationem & ejo exercitium conservata iterum finitur *t.*
t. Inst. quib. mod. tut. fin. §. C. quand. tut. vel cur. esse des. Quod
fit vel ipso Jure, vel per factum Judicis. Ipso
Jure finitur, quando casus aut factum aliquod à lege nota-
tum intervenit, quale (1.) est pubertas pupilli, quâ su-
perveniente omnimodo & protinus sine aliquo facto homi-
nis (secus ex recepta generali consuetudine, de qua testatur
Schulz. ex Gail. 2. obs. 96. vid. Dn. Carpzov. p. 2. const. 11. des. 10.)
extingvitur, expiratq; *pr. Inst. quib. mod. tut. fin. l. 1. C. quand.*
tut. vel cur. esse des. utpote casu eo existente, à quo incipete
non potest *l. 26. ff. de tut. §. cur.* quam pubertatem non ex ha-
bitu corporis, prout nempe id in homine præsumi & conspi-
ci potest *l. 32. ff. de min.* sed ex annis potius æstimandam esse
honestas svadet. In masculis terminus ille pubertatis est an-

nus 14. l. 5. D. qui test. fac. poss. in foeminis verò 12. l. 7. C. qui
pet. tut. l. 13. §. fin. ff. de tut. & cur. dat. ubi cum Accurs. non
eam lepidam diversitatis rationem damus, quia foeminae in-
ter malas herbas numerantur, quæ citius crescunt, quàm bo-
næ, id enim esset nimis contumeliosum in sexum foemineum,
secundum Harpr. ad pr. Inst. de nupt. n. ii. nec cum aliis tenu-
itati sexus id imputamus, quasi genera exilia & debilia cele-
rius maturescant, quàm robusta; sed humiditati & frigidi-
tati adscribimus, quæ in foeminis prædominantur, & eas ad
velocem maturitatem perducunt, nam & salices celerius cre-
scunt, quàm quercus. Sed quid si dicamus etiam post puber-
tatem in foeminis rationem (de qua in §. 1. Inst. de tut.) pro-
pter quam tutores dantur, non cessare, cum omninò sexus
fragilitas & rerum fortensium ignorantia impediunt, quo mi-
nus satis suam Personam & bona defendere possint; an id-
circo foeminae tam puberes quàm impubes sub tutela esse de-
bent? sanè apparet ex ex Ulp. fragm. pr. tit. de tut. antiquo jure
id ita obtinuisse, & foeminae viripotentes in perpetua tutela
fuisse, nisi cum Sudholdo dis. 3. aph. 36. inter tutelam pu-
pillarem & muliebre, aut cum Contio inter tutelam nego-
ciorum & authoritatis distingvere velimus. Sed postmodum
id immutatum esse docet l. scire 16. ff. de cur. & tut. dat. & d. l.

7. C. qui pet. tut. (2.) MORS, quæ si naturalis est, generali-
ter omnia solvit Nov. 22, c. 20. §. deinceps Auth. de nupt. fici-
vilis, civilis, §. fin. Inst. de l. g. agn. tut. adeoq; etiam tutelam,
quæ Juris civilis est §. de tut. Quoad mortem naturalem,
sive ea contingat pupillo, sive tutori, nihil interest §. 3. Inst.
quib. mod. tut. fin. cum ratione utriusq; tutela aliquod Perso-
nale sit, quæ Personalia cum ipsa Persona intereunt & extin-
guuntur §. 3. Inst. de soc. l. 196. D. de R. J. l. 21. ff. de usu & habit.
cap. privileg. de R. J. in 6to. Respectu pupilli, cujus Personæ
tutor datur §. 4. J. qui test. tut. dar. poss. Respectu tutoris, cu-
jus Persona ad hoc officium specialiter à testatore, lege vel
Magistratu eligitur pr. Inst. de satisd. tut. & cur. Mors Civi-
lis est, quando alicui vita Civilis, libertas & civitas adimi-
tur, quod fit revocatione in servitutem, venundatione sui ip-
sius



sus, damnatione ad ultimum supplicium, deportatione, a-
quæ & ignis interdictione §. 2. *Inst. de cap. dimin.* & damna-
tione in metallum, qui modi constituendi aliquem in servitu-
tem & peregrinitatem, seu hæc genera poenarum omnia equi-
dem in tutore locum reperiri possunt, secus verò in pupillo,
qui ab alio (ut ut hoc patiat,ur,) cum effectu vendi planè non
potest §. pen. *Inst. de Jur. pers.* nec secundum communem
opinionem Dd. sententiâ capitali damnari, imò ne reliquis
quidem poenis affici, nisi proximus pubertati sit *b. 12. ff ad L.*
Corn. de Sic l. 14. ff. ad SCtum Syll. (3.) Arrogatio pupilli
§. 4. *Inst. quib. mod. tut. fin.* cum idem simul in potestate pa-
triâ & tutelari esse non possit *pr. Inst. de tut. non tutoris*, cui
non officit, sui Juris non esse *pr. Inst. qui tut. dar. poss.* Sed quid
si tutor sit legitimus, cujus agnatio per arrogationem perit?
§. ult. *f. de leg. agn. tut.* Dicendum: Jure veteri arrogationem
tutoris tutelam legitimam finivisse *d. §. 4. f. quib. mod. tut.*
fin. non jure novo, quo differentia hæc, inter agnationem &
cognitionem penitus sublata *N. 118. c. 5.* (4.) Existencia
conditionis & diei, in testamento adscriptæ §. 2. & 5.
Inst. quib. mod. tut. fin. §. 3. *Inst. qui test. tut. dar.* cum testatoris
voluntas strictè observanda. Per factum Judicis finitur
tutela, si tutor ab ea mittatur. Quæ missio duplex est, Vo-
luntaria & Necesaria. Illa honesta est, hæc probrosa,
quæ interdum etiam infamiam secum habet. Volunta-
ria missio est, quæ fit ad petitionem tutoris cujuslibet (dis-
quoad legitimum Cujac. & Borch.) excusationis causam alle-
gantis à Judice causam eam pro justa (de quibus, quomodo
proponendæ *vid. tot. tit. Inst. Dig. & Cod. de excus. tut. & cur.*)
pronunciante. Necesaria est, quam Judex non petente,
sed invito tutore propter aliquod ipsius admissum exequitur,
& in specie vocatur remotio. Hæc pro ratione admissi, vel
aliquem, vel nullum producit effectum. Producit aliquem
videlicet infamiam, si ob dolum facta; nullum, si ob culpam,
§. 6. *Inst. de susp. tut. & cur.* qualiscunq; ea fuerit, cum ubi
ad

ad corporalem poenam, cui infamia æquiparatur, infligenda magis agitur, lata culpa dolo accenseri non possit l. 7. D. ad L. Cornel. de Siccar.

Et tantum de Jure Tutelarum pro ingenii mei tenuitate, non pro materiæ dignitate delineasse sufficiant: Non pigebit autem sicubi hæsito, quærere; & sicubi erro, discere.


SOLI DEO TRIUNI SIT LAUS
HONOR ET GLORIA SEM-
PITERNA.



Dum primum specimen profecto prodis, Amice,
Votò hoc meum est applaudere:
Tutoris sic jura doce, sic ritè pupilli
Defende privilegia,
Ut te palmaris mancant præconia laudis,
captesq; grata commoda!

*Hisce contubernali suo charissimo LL. Stud.
dexterrimo gratulabundus adesse vol.*

Wolfgangus Andreas Reiber /
Cygnea-Misnicus.



Qvalem communi meritat de jure favorem
Lubricus impubes, considerasse juvat.
Id quod tu Cathedram scandens doctissime CREBSI
Excolis ingenuè, & strenuus ore doces.

Laudo

Laudo conatus, modò justum perge tueri,
Sæpius ac monstres, quis vigor ingenii!
Nam sic patrissas; sic olim, dante JEHOVA,
Quod voveo ex animo, nomina clara feres.

*Ita
Amico suo singulari
L. M. Q.
acclamabat*

Christophorus Seifertus,
Friedl. Bohem.

~~~~~  
In ed'len Samen Ihr an ieho woll't außstreuen /  
Daß Ihr die süsse Frucht im Alter könn't abmeyen.  
Was Baldus-Bartolus gelehrt / Ihr woll't erfahren  
Durch unverdroß'nen Fleiß bey annoch jungen Jahren.  
Wolan beständig bleib't: Euch diß wird Themis geben /  
Wonach der hohe Sinn in Euch begehrt zu streben.

Zu Ehren seines vielwehrtten  
Freundes setzte dieses

Michael Steinbach. Lobav. Lus,  
LL. Studios.





00 A 6456

ULB Halle

3

002 929 244




R


Worm












277.  
 22  
 UM LEGALE  
 De  
**RE**  
**ARUM,**  
 Qvod  
 DRUM.AC VIDLIARUM  
 CONSERVATORIS  
 CILIO  
 &  
*tecessorum SENATUS*  
*ndultu,*  
 CTORE  
 I R O  
*simo, Consultisimo*  
**IO DECHERO,**  
 Profes. Publ. Præceptore  
 nno, summè semper  
 lendo,  
*orio 7Ctorum*  
*. Novembr.*  
 publico sistit  
**NUS CREBS,**  
 C. LUSAT.  
  
 ti cis Viadrum  
 Typis  
 CHII, Acad. Typogr.  
 DC. LI,